



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 2. Examen Pentalogi Diaphorici, & minores alii Macarii Libelli.

urn:nbn:de:hbz:466:1-37059

debuerat scriptionis modum imitari , & cum P. Gabriëlis de solito suo , vehementiorique impetu aliquantulum remittere : hoc scilicet & ipsa humanitatis ratio , & sanctissima in terris , quam alloquebatur , Majestas exigit.

§. 2.

*EXAMEN PENTALOGI
Diaphorici , & minores alii MACARII
Libelli.*

Longum esset pluribus & diligentius libros omnes excutere , nam ad mortem usque singulis propè annis libros singulos elucubravit ; laudandus sanè pro diligentia tam assidua , si meliori in causa , & quam Christianè sæpè , tam non multis in locis Bajo-Jansenianè scripsisset ; hoc unum interim universim dici potest , si vitæ brevioris spectes angustias , multa ; si utilitatem , parum ; si periculum , nimium eum scripsisse. Cæterum ubique sibi similis juvenili impetu abripitur , & acerbiori usus calamo , in omnibus non dico libris , sed paginis Scholasticos Theologos , eorumque doctrinam acriter adeò impedit , ut hoc in genere confederatis suis palmam longè præripiat ; prout sequenti capite manifestum re ipsa fiet. Ridiculus mihi interea est dilectionis proximi defensor , dum libello integro disquisitione Theologica hanc quæstionem discutit :

An

ET INFELIX CONCORDIA. 71

An satisfiat præcepto dilectionis proximi per hoc , quod proximo exhibeamus signa externa , seu externa dilectionis officia , simul non habendo odium erga proximum . Si viveret , hanc item ei quæstionem discutiendam proponerem : An satisfiat præcepto dilectionis proximi per hoc , quod charitatem semper habeamus in ore , & habere nos dicamus in corde ; externis interim odii signis , quæ voce , quæ scripto , mille acerbè conviciis proximum impetamus . Et verbis puto sanctius , & non pro suo facto , hanc quæstionem resloveret.

Jam vero quam dilectionis magister ridiculus , tam ridiculus quoque est alienæ doctrinæ examinator in examine Pentalogi ; nolim quidem defendere Pentalogum Dia-phoricum ; peccat ille , fateor , multis in locis , nec examinari tantum , sed & castigari meritus est : quid ergo ? id rideo , ollæ à cacabo nigredinem objici , & exprobrari . Et nos quidem capite quarto ipsum illum Macaria-num librum *Examen Libelli cui titulus , Pentalogus Dia-phoricus , &c.* felicius , ut spero , examinabimus , & illud videbimus , quam non nitidæ fuerint scopæ , quæ alieni libri sordes evertere voluere : quare de hoc quidem libro , cum de Sacramento Pœnitentiæ , & dilatione in primis absolutionis studiosè agat , suus erit & frequens toto pas-sim quarto capite locus ; hic illud scias , Lector Benevole , non Antverpiâ nobis Macarium istud opus , sed Parisiis submisisse ; ut adeò minus postea mirere , nullum alium ejus librum Vergeriani plùs & Arnaldini spiritus habere.

Vis

72 TRIUM-VIRO RUM VANA

Vis porro videre, quām Augustini melior discipulus
videri velit, quam Apostolicæ & Pontificiæ Sedis filius?
habe tibi in Thesibus 8. Mart. 1677. tum eodem anno in
Libello cui titulus : *Dissertatio Theologica de Auctoritate
SS. Patrum præsertim P. Augustini* : utrobiq[ue] hæc non
sine stupore verba legimus, quæ ipse me-herculè, si vi-
veret, Magnus P. Augustinus Apostolicæ Sedis acerri-
mus vindex suo ipse deleret calamo, aut stylo potius fer-
reo, ne vestigium ullum superesset, penitus eraderet;
sic enim ait : *An bene procedant, qui ubi urgentur cla-
risimis S. Augustini locis, ab Augustino ad Pontificum
Bullas, & Decreta appellant?* Respondeo PESSIME TALES
PROCEDERE. Benè in hæc verba Speciminum collector:
*Hic Professor more suo respondet confidenter. Piæ aures
mallent audire responsonem sic temperatam : Respondeo
non bene tales procedere, si destituant Authoritatem S. Au-
gustini ut desperatam : procedunt vero bene, si postquam
piè conati sunt explicare testimonia Augustini, vel eo te remi-
serunt, ubi illa piè sunt explicata, vocent te ad Pontificum
Bullas, & Decreta, quæ ipsis videntur non minus clara,
quam tibi testimonia Augustini. Ita ille : quid Macarius
præterea? juvat enim altermos audire. Unde clare deduco,
quod ubi quis invenit doctrinam clare in Augustino fun-
datam, illam absolute possit tenere, & docere, NON RESPI-
CIENDO AD ULLAM PONTIFICIS BULLAM. Excipit hæc
prudenter verba Speciminum non otiosus collector, &
tuta*



ET INFELIX CONCORDIA. 73

tuta negat in praxi : *Nihil utpotè facilius contingit, quam ut juvenis Theologicæ Professor, præcipue cui primos ingenii impetus non satis sedaverint cogitationes tetricæ Logisticorum, aut Methaphysicorum, sibi persuadeat clarum se reperiisse fundamentum doctrinæ suæ in Augustino, cuius scilicet asserta ad unum omnia approbata sint summa Ecclesiæ Authoritate.* Pergit Havermannus : *Verum demus gratis aliquem in particulari non posse ostendere discrimen inter suam sententiam, & damnatam opinionem ; an statim irreverens, & injurius dici deberet in Augustinum, si ejus authoritatem obtenderet ? Respondeo, non : si videret Viros doctissimos & piissimos, etiam post Bullam Pontificis, quā damnat illam opinionem adhuc docere illam sententiam scientे & non contradicente S. Sede.* Non tacebit hic Collector, de quo suprà, qui si alibi tacuisset, hic certè loqueretur, & magnum, ait, *onus imponit S. Sedi hic Professor ut eam oporteat scire illico, si quid in aliquo mundi angulo aberrarint Theologi : deinde ut contradicere illico debeat, autumno, Bullam expediendo, aut Decretum Apostolicum.* At nec tacere ego hic possum, & quis bene Catholicus hic taceat ? nam quid tibi cum nova illa Bulla, quam expediret Apostolica Sedes ? quid cum Apostolico Decreto ? si ab Augustino, te Judice, ad Pontificum Bullas, & Decreta PESSIME appellatur, si NON VIS RESPICI AD ULLAM PONTIFICIS BULLAM, si Augustini etiam tum *authoritatem obtenderes, si videres*

K

Viros

74 TRIUM-VIRORUM VANA

Viros doctissimos & piissimos etiam post illam novam Bullam Pontificis adhuc docere illam tuam sententiam, quam inter & damnatam opinionem discrimen non possis ostendere. Ita qui loqueris, non merito à me audias in os tuum regeri, tuum illud, dum pro tua charitate integras Scholasticorum centurias juvenilibus lacertis assiduo flagellas, in libris tuis centies repetitum quo hæc vergunt? quo hæc vergant nemo non videt, judicet Sua Sanctitas quo hæc vergant. Imo judicet Sua Sanctitas quo tua illa vergant. Videamus (sed ante liceat sic quasi brevem per parenthesim exclamare; ô lepidum! ô festivum probabilitatis hostem! Viris piis ac doctis tantum tribuere, ut ante omnem Pontificis condemnationem ob eorum authoritatem sententia probabilis sit aliqua, & dicatur, capitale Macario scelus est; quid ipse interim? perstat in sua sententia pertinax etiam post Vaticana fulmina, dummodo etiam post illa doceri eam videat à Viris doctis & piis: hoc autem quo nomine appellabimus? aut multum fallor, aut hæreticorum pervicaciae affinius illud est, quam Scholasticorum tam exosæ probabilitati) nunc quod dixeram videamus.

R. P. Philippus de Hornes hanc Antverpiæ 30. Thesim 9. Julii 1675. propugnandam se Præside posuerat: mirum nulli videbitur Adversarios pro se citare S. Augustinum, si ea, quæ habemus Thesi 6. rectè consideret, perpendat quæ quæ habet D. Thomas in Ioan. cap. 1. Lect. 7. litt. H
nempe



ET INFELIX CONCORDIA. 75

nempe Augustinum aliquando ita scripsisse, ut videatur
hæreticis favere, adeoque caute legendum: solere hoc item
omnes, qui sententias novas inducere gestiunt. Habuere hoc
solemne semper dogmatistæ, magno Augustini nomine abuti
ad libidinem cogitationum suarum: hoc Faustus Rheygen-
sis, hoc Seraphion hæreticus, hoc Berengarius ostentabant:
Claudius Taurinensis contemptor Patrum, unum Augu-
stinum ferebat in manibus; Wicleffus Ioannes Augustini
appellari voluit; nota est Lutheri impia exultatio: AUGUSTI-
NUS TOTUS MEUS EST: Calvinus denique cum cæteros
fere Patres abdicaret, Augustini sententias tot accumula-
vit, ut in ejus libris Augustinum sèpius, quam Calvinum
loqui gloriantur Calvinistæ. Inspiciamus etiam Catholicos,
qui à veritate deviavere, eos idem fecisse comperiemus. Quis
se Bajo & Jansenio cum Augustino sentire magis profitetur?
vix aliud quam loca D. Augustini, quibus hæretice abusi-
sunt, eorum libri continent. Non igitur terreamur, imo
suspectum habeamus dum aliud nihil, quam S. Augustini
authoritatem clamant, &c. Hæc tu verba ultima: Non
igitur terreamur, &c. A reliquis decisa ex ejus Thesibus,
quas non sine magno (ut loqueris) animi merore pii
(Bajo-Janseniani) deplorarunt, Pontifici Maximo in tua
illa humili Apologia ex tui defensore adversariorum factus
accusator judicanda cum obtulisses, non poteras quin in
lugubres exclamations erumperes: pro dolor! Bone
Deus! in quæ sècula incidimus! quo res Christianæ

K 2

De-



Devenit ! nec poteras tui epiphonematis oblivisci ; judicet
Sua Sanctitas quo hæc vergant. Quo autem vergunt ?
indamnum Ecclesiæ , in SS. Patrum contemptum. Nolim
ego pro R. P. Professore Apologiam conscribere non æta-
tem modo , sed & eruditionem habet Theologicam ,
ut meæ defensionis minimè indigus pro se loquatur ; sed
nimirum defendi non debet , quem illa ipsa , quæ arrodis ,
verba absolvunt. Quid enim ait ? *Suspectum habendum*
dum Sancti Augustini authoritas clamatur ? imo vero
dum NIHIL ALIUD clamatur , non Pontificum Bullæ
clamantur , non Apostolica Decreta clamantur ; nam is
hæreticorum mos est , unum Augustinum clamare : hunc
Calvinus , hunc Lutherus ad ravim usque clamabant ; Pon-
tificum Bullas , Apostolica Decreta aniles veluti fabulas
explodebant , ex unius Augustini sententia statuenda de-
finienda , credenda dicebant omnia : quos tu si ad Pon-
tificum Decreta voces , ipsis Macarii verbis PESSIME ,
dicant , ab Augustino ad Apostolica Decreta appellari ,
si instes tamen , & pro Romanæ Sedis , Ecclesiæque
authoritate Catholicè pugnes ; nihilo modestius verbis
item nostri Macarii reponant : *doctrinam clare in Augu-*
stino fundatam absolute teneri posse & doceri NON RESPI-
CIENDO AD ULLAM PONTIFICIS BULLAM. Liceat inter-
rim mihi bona tua venia in tuas nærias exclamare , & ita
exclamare , ut ipsa Sedes Apostolica audiat *pro dolor !*
ita loqui Catholicum ! *Bone Deus ! in quæ sœcula in-*
cidimus !



ET INFELIX CONCORDIA.

77

cidimus ! quo res Christiana devenit ! liceat tuo uti epiphonemate judicet Sua Sanctitas quo hæc vergant. Vergunt in Ecclesiæ damnum , in manifestum Romanæ Sedis contemptum , in totius Catholicæ sub uno in terris capite fidei ruinam : primum enim est nominare nolle , alterum non curare , tertium denique prorsus explodere ; & explosit quidem manifestè Piëtavii Religiosus ille , de quo Joannes Filleau Eques S. Michaëlis & Consiliarius Regius in Gallica sua relatione Juridica cap. 13. pag. 86. ita refert: Religiosus , cuius nomen tacere volo ne odium ei & infamiam apud Posterorū conciliem , dedecorans candorem suæ vestis eo audaciæ, imo potius impudentiæ venit, ut in has voices proruperit: *malo errare cum Augustino, quam bene sentire cum Papa.* Quam vereor ne plus aliquid cum hoc Religioso commune habeat Macarius quam colorem : interim eam in Augustinum æque ac Ecclesiæ blasphemiam evomuit Piëtavus ille Religiosus occasione Bullæ Apostolicæ Innocentii X. in librum Jansenii , quasi in libro illo S. Augustini doctrinam condemnasset. Vide in quod impietatis præcipitium affectatus ille , ac nimius Augustini amor Iansenianos dejiciat , si tamen Ecclesiæ & Pontificis Auctoritatem tam Calvinianæ prodere non odiisse potius Augustinum sit , quam amare.

Atque hæc longius fortè quam aut velint Macariani aut tu etiam Lector exspectaras ; sed studio tamen & de industria, non casu, aut scribendi impetu penitus illa examinavi

K 3

ut

ut omnes intelligent, quam nullam veri habeant speciem,
quæ in scheda ejus funebri tam speciosè inserta video: doctrina
ejus variis libris contenta Sanctissimo Domino exhibita
sine nævo inventa est. Nam ut Bajani nihil, nihil Janseniani in suis uspiam libris docuisset, & in hoc peccasset
uno, quod contemptim adeo de S. Sede, & Pontificiis
Decretis scripsisset, existimare potes Lector, qui quidem
Catholicus es, doctrinam ejus Romæ Sanctissimo Domino
exhibitam sine nævo inventam? At nos fictitiis illis appro-
bationibus, jam toties decepti non credimus; damnatos
Jansenii, damnatos Baji, damnatos scimus P. Gabriëlis
errores & damnatos credimus, qui Decreta Romana legi-
mus, & reveremur; quibus quidem damnatis, Macarii
libros Romæ approbatos esse animum non induco ut cre-
dam; ita enim ad eos accessisse suis in libris Macarium
ostendam, ut facilè assequar, cur nos adeo velit Bullarum
Pontificiarum oblivisci & ad Bullas Pontificias nolit appellari.
Tu interim Lector haec tenus à me dictis hoc dabis, ut
tantisper judicium suspendens illo Macarianorum præju-
dicio abripi te ne patiare; ego illud sub hujus opusculi
finem sublaturum penitus me confido, atque illic eo
commodius, quod plures ante nævos exhibuero; ubi &
totam schedam funebrem expediam, & novam doctrinæ
ejus, quam meretur, Panegyrim dabo.

CA

